



## MANSOR ABU TALIB

# Mencederakan diri bukan satu pilihan

**S**ETIAP tahun pada 1 Mac adalah sambutan Hari Kesedaran Mencedera Diri Sendiri Sedunia manakala 10 September pula Sambutan Hari Pencegahan Bunuh Diri Sedunia.

Kemurungan dan keresahan adalah antara fenomena sosial yang sering dikaitkan dengan kehidupan zaman moden masa kini. Kemurungan seringkali dikenalpasti sebagai faktor yang menyumbang kepada keadaan kesihatan mental yang rendah dalam kalangan semua kohort umur populasi. Ia faktor risiko terhadap fenomena memudaratkan diri sendiri

dan juga boleh membawa kepada niat dan percubaan membunuh diri.

Secara global, bunuh diri adalah punca kematian kedua tertinggi bagi kumpulan individu berumur 15 hingga 29 tahun. Di Malaysia, menurut laporan Teknikal Kementerian Kesihatan Malaysia pada 2016 yang diam-

bil dari data Kajian Morbiditi dan Kesihatan Kebangsaan (NHMS) 2015, kadar kelaziman masalah

kesihatan mental dalam kalangan kanak-kanak berumur lima hingga 15 tahun adalah sebanyak 12.1

peratus manakala bagi dewasa berumur lebih 16 tahun pula 29.2

peratus.

Kajian ini turut membuat tela-

han terhadap kadar bunuh diri dalam populasi Malaysia dengan

mengguna pakai soal selidik Per-

tubuhan Kesihatan Sedunia (WHO) dan mendapat kadar kelazi-

man idea adalah 1.7 peratus, mempunyai rancangan seban-

yak 0.9 peratus dan percubaan membunuh diri 0.5 peratus.

Bagi kanak-kanak dan remaja, kadar kelaziman percubaan membunuh diri bagi mereka yang berumur 13 hingga 17

tahun (NHMS2017) adalah 6.9 peratus manakala 7.3 peratus mempunyai rancangan dan 10.0 peratus mempunyai idea untuk mencuba.

Menggunakan alat saringan *Depression, Anxiety and Stress Scales* atau DASS21, didapati kadar kemurungan ialah 17.7 peratus (1 dalam 5 orang), keresahan seban-

yak 39.5 peratus (2 dalam 5 orang) manakala tekanan ialah 10.1 peratus (1 dalam 10 orang).

Bagi tingkah laku mencederakan diri sendiri, kajian oleh

Ruziana Masiran dan rakannya menggunakan pakai data Kemen-

terian Kesihatan pada 2011 mendapat sejumlah 4,815 kes

baru dilaporkan pada tahun tersebut lantaran mencatat-

kan kadar kelaziman 17 per 100,000 populasi Malaysia. Lima

kaerah tertinggi yang digunakan bagi tujuan mencedera-

kan diri sendiri adalah melalui bahan kimia, analgesik bukan

opioid, racun serangga, *unspecified drugs* dan antiepileptik.

Menyedari kepentingan psikopendidikan dan tanggung-

jawab sosial, bersempena sambutan tahun ini, Persatuan

Kaunseling Malaysia (Perkama International) akan bekerjas-

ma dengan Universiti Islam Antarabangsa Malaysia (Unimas) bagi men-

jayakan program psikopendidikan bertajuk ‘Mencederakan

Diri Bukan Satu Pilihan’ pada Jumaat ini di kampus Unimas.

Program ini melibatkan pelajar kaunseling Unimas dan kaun-

selor di Sarawak.

Program ini bakal menyaksikan perkongsian ilmu oleh tiga

ahli akademik dari Universiti Putra Malaysia (UPM), Univer-

siti Islam Antarabangsa Malaysia dan Unimas yang membuat

kajian mengenai tingkah laku bunuh diri, mencederakan diri

dan faktor resiliensi serta sesi perkongsian daripada klien se-

bagai kajian kes.

Marilah kita menjayakan kempen mencegah tingkah laku

mencederakan diri kerana ia adalah tanggungjawab bersama.

**PROF. DR. MANSOR ABU TALIB** ialah Profesor Kaunseling

Pembangunan Manusia, Fakulti Ekologi Manusia, UPM.